

ԻՆՏԵՐՆԵՏԻ ԼՐԱՅՈՍՔԻՑ

ՀԱՅԿԱԿԱՆ ՀԱՍԱԳՈՒՄԱՐԸ ԲԱՐՉՐԱՑՆՈՒՄ ԵՄ ՄԱՐԴՈՒ ԻՐԱՎՈՒՆՔՆԵՐԻ ՀԱՐՑԸ ԹՈՒՐՔԻԱ- ԵՎՐՈՍԻՈՒԹՅՈՒՆ ՍԵՄԻՆԱՐԻ ԺԱՄԱՆԱԿ

Վաշինգտոն. Հունիսի 14-ին հայկական համագումարը բարձրացրեց Թուրքիայում մարդու իրավունքների հարցը և առանձին հարցեր, որոնք վերաբերվում էին Թուրքիայի՝ Եվրոմիությանը անդամակցելու հեռանկարին և Եվրոպայի ներքին քաղաքականության քննարկումների ժամանակ Ստամբուլի հայ պատրիարքին հեռացնելու թույլտվության համար օրենք ընդունելուն:

Արևմտյան քաղաքականության կենտրոնը հրավիրեց թուրք և ամերիկացի լրագրողներին և քաղաքագետներին՝ քննարկելու համար Եվրոմիությանը Թուրքիայի անդամակցության թեր և դեմ կողմերը, զնահատելու համար, թե պե՞տք է արդյոք Թուրքիային թույլատրել լիովին անդամակցել Եվրոպական ազգերի ընտանիքին: Սոներ Կազապտայը՝ Վաշինգտոնի ինստիտուտի թուրքական հետազոտությունների ծրագրի կոորդինատորը, թուրքերի լիիրավ անդամակցության ամենաաղմկոտ պաշտպանը, քննադատեց Եվրոպական ազգերին, որոնք Թուրքիայի հանդեպ իրենց մտտեցումներում կրկնակի ստանդարտ են հանդես բերել:

«Եվրոպական որոշ ազգերի համար բաժակը կիսատ է, երբ հարցը վերաբերվում է Թուրքիային: Մենք նրանց բոլոր պահանջները կատարել ենք, չնայած դրան նրանք այլ կերպ են վերաբերվում մեզ: Մենք որոշ, նույնիսկ շատ դեպքերում Արևելյան Եվրոպայի երկրներից վատը չենք», - ասաց նա:

Կրկնելով Թուրքիայի կառավարական պաշտոնյաների հաճախակի արված ակնարկները, թե Թուրքիան ներկայացրել և կիրառել է օրենքներ պաշտպանելու համար մարդու իրավունքներն ըստ Եվրոմիության «Կոպենհագենյան չափանիշների», Կազապտայն ասաց. «Մենք լիովին համաձայն ենք այն հողվածների հետ, որոնք վերաբերվում են մարդու իրավունքների պաշտպանությանը, եկեղեցու և պետության անջատմանը և շատ այլ խնդիրներին»:

Քանի որ մի քանի անդամներ հարցեր էին բարձրացրել տնտեսական ինտեգրացիայի, ժողովրդագրական փոփոխությունների և մշակութային խնդիրների վերաբերյալ, Հայկական համագումարի հասարակական հարցերի տնօրեն Դեյվիդ Ջենյանը հարցրեց Կազապտայի կարծիքը Ստամ-

բուլի հայկական պատրիարքարանին վերաբերող՝ թուրքական լրագրերի հաղորդագրությունների ամօշխոթյամբ.

«Վերջերս թուրքական “Gumburriyet” լրագրում կարդացինք մի հաղորդագրություն այն մասին, որ Թուրքիայի ներքին գործերի նախարարությունը պահանջում է ընդունել օրենք, որը թույլ կտա ավելի շատ հսկել հայ պատրիարքի ընտրության գործընթացին և կնեղառի մի հողված, որը կառավարությանն իրավունք կտա հեռացնել հայ եկեղեցու ամաջնորդին: Պատկերացրեք, որ Իտալիայի խորհրդարանն ընդունում է օրենք, որը ոչ միայն ստիպում է, որ Պապը պետք է լինի Իտալիայի քաղաքացի, այլև իրեն իրավունք է վերապահում հեռացնել Պապին, եթե համարում է, որ ընտրությունն անօրինական է կամ չկայացած»,- հարցրեց Չենյանը:

Կազապտայը հարցին չպատասխանեց: Փոխարենը՝ նա վերադարձավ իր նախկին դժգոհություններին՝ կրկնելով իր կրկնակի ստանդարտների մասին մեղադրանքները:

ՀԱՄԱԳՈՒՄԱՐԸ ՑԱՎԱԿՑՈՒՄ Ե ՏԻԿԻՆ ՌԵՅԳԱՆԻՆ

Վաշինգտոն. Հայկական համագումարն իր «խորը վիշտը» և «արտագին ցավակցությունն» է հայտնել տիկին Ռեյգանին և նրա ընտանիքին նրա ամուսնու՝ Ռոնալդ Ռեյգանի, ԱՄՆ-ի 40-րդ նախագահի մահվան առթիվ:

Համատեղ նամակում, որը ստորագրել են հոգաբարձուների խորհրդի տնօրեն Հրայր Հովնանյանը և տնօրենների խորհրդի նախագահ Էնթնի Պարտմյանը, համագումարը գովեստի խոսք է ասում հանգուցյալ նախագահի հասցեին ցեղասպանության ճանաչման, ժողովրդավարության և մարդու իրավունքների պաշտպանության ջատագովը լինելու համար:

Տիկին Նենսի Ռեյգանին ուղղված ցավակցական նամակում մասնավորապես ասվում է.

«Հարգելի տիկին Ռեյգան.

Հայկական համագումարի և ամերիկահայ համայնքի անունից ցանկանում ենք հայտնել մեր խոր վիշտը՝ լսելով Ձեր ամուսնու մահվան մասին: Մենք, մեր սրտագին ցավակցությունն ենք հայտնում Ձեզ և Ձեր ընտանիքին:

Հասարակությանը ծառայելու իր գործունեության ընթացքում նախագահը դրսևորեց իրեն որպես ազատության, ժողովրդավարության, մարդու արժանապատվության Ամերիկայի ամենաջերմ ու ամենավառ մարտիկներից մեկը: Ի վերջո, Ձեր ամուսինը մեծարանքի է արժանի որպես Միացյալ նահանգների միակ նախագահը, որը պաշտոնական հայտարարություններով ճանաչել է Հայոց ցեղասպանությունը: Լինելով Կալիֆորնիայի նահանգապետ, նա հաճախ է հրապարակել հայտարարություններ՝ 1915թ. աղետալի իրադարձությունները ճշմարիտ կերպով բնութագրելով որպես ցեղասպանություն:

Արտաքին քաղաքականության մեջ նախագահի նշանաբանն էր «ուժով խաղաղություն», քանի որ ձգտում էր վերջ տալ սառը պատերազմին, վերամիավորել Գերմանիան, կրճատել միջուկային զենքը, ուղիներ գտնել անհարկության դեմ պայքարի համար: Նրան է վերագրվում սառը պատերազմի ավարտը և Բեռլինի պատի անկումը: Ամերիկահայ համայնքը միշտ կհիշի Ձեր ամուսնու հեռատեսությունն ու ղեկավար դերը, որը նա

հանդես բերեց նախկին Խարհրդային Միության կլանած ազգերին ազատագրելու առաքելությամբ:

Իր կյանքում հանդիպած յուրաքանչյուր մարտահրավեր նախագահին ընդունում էր բարությամբ, համոզվածությամբ և լավատեսությամբ, որոնցով նա ներշնչում էր և դեռևս շարունակում է ներշնչել ամերիկացիներին: Ինչպես ողջ ազգն է ցավակցում Ձեր ընտանիքին, նույնպես մենք հավերժ կհիշենք Ձեր ամուսնուն:

*Հրայր Հովնանյան՝ Հոգաբարձուների խորհրդի նախագահ
Էնթնի Պարսամյան՝ Տնօրենների խորհրդի նախագահ
8 հունիսի, 2004թ.*

ՎԱՀԱԳՆ ՏՍՏՐՅԱՆԻ ՆԱՄԱԿԸ ՆՈՐԻՆ
ԳԵՐԱԶԱՆՅՈՒԹՅՈՒՆ ՊԵՐ ԳԱՐՏՈՆԻՆ
9 հունիսի, 2004թ.

Հարգելի պարոն Գարտոն

Վերջերս հետաքրքրությամբ հետևում էի այն մտրություններին, որոնք վերաբերվում էին հայ-ադրբեջանական հակամարտությանն ու Ղարաբաղի մասին Ձեր վերջին հայտարարություններին: Անշուշտ ցավալի է, որ վերջերս եվրոպական դիվանագետները պատմական իրողությունների հանդեպ ցուցաբերում են նույնպիսի արհամարանք, ինչպիսին երկար ժամանակ եղել էր ամերիկացիների կողմից: Ինչպես ավելի քան կես դար առաջ մարգարեաբար գուշակել էր Ջորջ Սանտայանան, այդ իրողությունների մի մասն այնպիսին են, որ դրանց մոռացության տալը քանկ կնստի աշխարհի վրա («Նրանք, ովքեր չեն կարողանում հիշել անցյալը, դատապարտված են կրկնելու այն»): Հաշվի առնելով Ղարաբաղի և Նախիջևանի պատմական անցյալն ու ժողովրդագրական պատկերը, Մովետական ազգերի ղեկավարները տարբեր առիթներով հրապարակայնորեն և պաշտոնապես 1920 և 1921 թվականներին հայտարարեցին, որ Ղարաբաղը և (1920թ. դեկտեմբերի 2-ին) Նախիջևանը Հայաստանի անքակտելի մասն են: Իսկ Մովետական Ռուսաստանի կոմունիստական կուսակցության կենտրոնական կոմիտեի կովկասյան բյուրոյի 1921թ. հուլիսի 3-5-ը կայացած ժողովի ժամանակ, որը ղեկավարում էր Ստալինը, ձայների մեծամասնությամբ այս որոշումը հաստատվեց: Սակայն այսպիսի արդյունքից դժգոհ Ստալինը երկու օր անց ինքնական ու տիրաբար հրավիրում է մի նոր ժողով և մի նոր, սակայն միանգամայն անօրինական քվեարկությամբ ապահովում է (մեկ ձայնի առավելությամբ հօգուտ Ադրբեջանի) նոր որոշում: Այսպիսով, 90%-ով հայերով բնակեցված հողը ընդգրկվեց ազգերիների ղեկավարած տարածաշրջանի մեջ՝ կրելով անցյալի թշնամանքի բեռն ու հետագա հնարավոր արյունալի պայթյունների վտանգը: Եվրոպան (և Ռուսաստանը նույնպես) գուցե ակամա կրկնում են բուլշևիկ Ստալինի ճակատագրական սխալը, երբ անգիտակցաբար, համառորեն պահանջում են այս անգամ սին տարածքային ամբողջականության սկզբունքի պահպանումը: Ավելին, լինելով ազդեցոր պետություն (Ադրբեջանը Ղարաբաղի դեմ սկսեց նախահարձակ գրոհ), որի հետևանքով իր իսկ ռազմական հարձակման արդյունքում պատերազմում պարտվել է, միթե՞ կարող է կամ պետք է այդ պետությունը պարզևատրվի՝ ստիպելով քաղաքական զիջում կատարել հաղթողին,

չմայած վերջինիս հատթանակին:

Դրան շատ նման հարց է նաև Եվրոպայի վերաբերմունքը Առաջին համաշխարհային պատերազմի ժամանակ Հայոց ցեղասպանության ճանաչման խնդրին՝ Եվրամիության մեջ մոտ ապագայում Թուրքիայի հնարավոր ընդունման համատեքստում: Թուրքիայի պատմությանը քաջածանոթները լավ գիտեն, որ Թուրքիայի ընդունումը (եթե դա երբևէ տեղի ունենա) անպայման հոյի է դժբախտ հետևանքներով: Անշուշտ, ինքնաբերաբար կատարված այդ քայլը (Թուրքիայի ընդունումը) հնարավոր է մեծագույն ողբերգություն դառնա Եվրոպայի, նրա մշակույթի և քաղաքակրթության համար: Եվրոպայի կարճատես ղեկավարները, որոնք որոշակի մշակութային, իրավական ու քաղաքական համաձայնությունների բերումով բարձրաձայն պաշտպանում են Թուրքիայի ընդունումը Եվրամիություն (ձևացնելով, որ այդ պաշտպանությունն անկեղծ է և լուրջ), այնպիսի մարդիկ են, որոնց համար է հենց նախատեսված Սանտայանայի նախագուշացումը:

Այսօր Թուրքիայի ղեկավարները շատ թե քիչ նմանվում են իրենց նախնիներին՝ երիտթուրքերին, որոնք 1908թ. ամռանը երիտթուրքական հեղափոխության հետևանքով տասպալելով սուլթան Համիդի բռնատիրական իշխանությունը, հպարտորեն երդվում էին ծառայել ազատության, եղբայրության և հավասարության իդեալներին: Նրանք նույնիսկ որոշ ձևական ռեֆորմներ կատարեցին՝ օսմանյան հին սահմանադրությունը ձևափոխելիս: Սակայն շատ շուտով, այսինքն՝ ինն ամիս էլ չանցած, այդ իշխանությունն իրականացրեց քսաներորդ դարի ամենասարսափելի արյունահեղություններից մեկը՝ 1909թ. Ադանայի կոտորածը, որի զոհ դարձան 25000 հայ տղամարդ, կին ու երեխա: Ինչպես նախկինում (այսինքն տասնիններորդ դարի վերջին տասնամյակներին) դատապարտում չեղավ: Քաջալերվելով՝ նույն երիտթուրքական իշխանությունները, որի բարձրագույն ղեկավարները բոլորն էլ կրթվել էին Փարիզում, Առաջին համաշխարհային պատերազմի տարիներին կազմակերպեցին ու իրականացրեցին քսաներորդ դարի առաջին մեծ ցեղասպանությունը հայերի նկատմամբ: Ավելի էական է այն, որ նրանց սերունդներն երեկ և այսօր համատարեն շարունակում են ժխտել այս մեծ հանցագործությունը, որ ամերիկյան դեսպան Մորգենթաուն անվանել է «ազգի սպանություն»:

Միթե՞ սա է այն Թուրքիան, որին ուզում է ընդունել Եվրոպան: Կամ միթե՞ սա է այն Թուրքիան, որի դեմ Եվրոպայի երկու նշանավոր պետական գործիչներ Ժեսկար դ'Էտյենն ու Հելմուտ Շմիդտն այլոց հետ միասին շարունակում են նախագուշացնել Եվրամիության հետագա պատասխանատվության մասին: Թերագնահատելով կամ լիովին անտեսելով տարբերությունը էական բարեփոխումների և հայճնայորեն կազմակերպված և նպատակաուղղված դիտավորյալ կոսմետիկ բարեփոխումների միջև՝ Եվրոպայի որոշ ղեկավարներ եվրոպական արժեքների ու քաղաքակրթությանը սպառնացող աղետի առջև, հնարավոր է, որ լրջորեն վտանգի են ենթարկում եվրոպացիների հետագա սերունդների բարօրությունը:

Ի վերջո, հետաքրքիր է, թե հակառակ բոլոր պայմանականությունների, արդյո՞ք այժմ մշակվող Եվրամիության ապագա սահմանադրության մեջ կլինի՞ որևէ պայման, որով հնարավոր լինի հանել, ժամանակավորապես դադարեցնել կամ վտարել որևէ անդամ երկրի, եթե հետագայում պարզվի, որ խախտում է անդամակցության կանոնադրությունը:

Անկեղծորեն՝ Վ. Տատրյան